

Član 7.

Slobodne i zelene površine

Ne odobrava se izgradnja bilo kakvih objekata na zelenim površinama, niti postavljanje privremenih objekata njihovim obodom.

Tehnički prijem arhitektonskih i drugih građevina podrazumijeva i prijem izvedenih radova na uređenju slobodnih zelenih površina.

Član 8.

Uređenje građevinskog zemljišta se mora izvesti u obimu i na način kako je to predviđeno Planom.

Izgradnja građevina se ne može započeti bez prethodno minimalnog uređenja građevinskog zemljišta pod čime se podrazumijeva obezbjeđenje saobraćajnog pristupa parceli, priključenja na vodovodnu, kanalizacionu i elektroenergetsku mrežu.

Član 9.

U toku razrade i sprovođenja Plana primjeniti uvjete iz Uredbe o urbanističko-tehničkim uvjetima, prostornim standardima i normativima za okupljanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopediska pomagala ("Službene novine Kantona Sarajevo", broj 5/00).

Nivelete pješačkih saobraćajnica kao prilazi i ulazi u sve objekte moraju biti isprojektovane i izvedene sa nagibima koji omogućavaju nesmetano kretanje hendikepiranih lica, odnosno neophodno je obezbijediti odgovarajuće rampe, držače, posebno obilježena parking mjesta i sl.

Član 10.

Na prostoru koji je obuhvaćen Planom dozvoljeno je podizanje čvrstih ograda max. visine 1.5m.

Član 11.

Na parcelama nije dozvoljena izgradnja pomoćnih objekata.

Član 12.

Postavljanje stubova i samostalnih reklamnih objekata vrši se u skladu sa Odlukom o privremenom korištenju javnih površina ("Službene novine Kantona Sarajevo", br. 6/02).

Član 13.

Uredaji koji su u funkciji obavljanja djelatnosti u građevini (ventilacije, klima uredaji i sl.) svojim položajem, volumenom, oblikom i materijalom ne smiju narušiti izgled fasade, u suprotnom treba ih smještati unutar osnovnog gabarita.

Član 14.

Za sve građevine koje će se graditi na osnovu Plana potrebno je prethodno pribaviti projektnu dokumentaciju. Projektna dokumentacija mora biti izrađena prema uvjetima predviđenim za 8° MCS.

Član 15.

Uvjeti izgradnje građevina za sklanjanje stanovništva i materijalnih dobara kao i za druge potrebe odbrane i civilne zaštite moraju biti obezbijeđeni u skladu sa važećim Zakonom o zaštiti ljudi i materijalnih dobara od prirodnih i dugih nesreća ("Službene novine Federacije BiH", br. 39/03) i Uredbom o uvjetima, kriterijima i načinu gradnje skloništa i normativa za kontrolu ispravnosti skloništa ("Službene novine Federacije BiH", br. 21/05).

Član 16.

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-02-1981
22. juna 2007. godine
Trnovo

Predsjedavajući
Općinskog vijeća Trnovo
Selim Hamzić, s. r.

Na osnovu člana 56. Zakona o prostornom uređenju ("Službene novine Kantona Sarajevo", broj 7/05), člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/06), člana 20. i 87. Statuta Općine Trnovo ("Službene novine Kantona Sarajevo", broj 25/05), Općinsko vijeće Trnovo, na 27. sjednici održanoj 19. juna 2007. godine, donijelo je

ODLUKU

O USVAJANJU PLANA PARCELACIJE "TUŠILA"

Član 1.

Usvajaja se Plan parcelacije "Tušila" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Plana
- dio Plana.

Grafički dio sadrži:

1. Izvod iz Prostornog plana Kantona Sarajevo 2003-2023 mjerilo 1:5000
2. Ažurna geodetska podloga mjerilo 1:1000
3. Plan parcelacije u mjerilu 1:1000

Planom parcelacije određeno je 115 građevinskih parcela, kojima je određen broj počev od 1 pa do 115.

Član 3.

Po jedan primjerak ovjerenog Originalni primjerak elaborata, u analognom obliku, potpisan od starne predsjedavajućeg Općinskog vijeća, čuva se u arhivi nadležne službe Općine Trnovo i Zavodu za planiranje razvoja Kantona Sarajevo.

Svaka kopija elaborata treba biti ovjerena. Odgovorno lice u Općini Trnovo svojim pečatom i potpisom potvrđuje da je kopija vjerna originalu.

Digitalni oblik elaborata čuva se u arhivi nadležne službe Općine Trnovo na nekom od kompjuterskih medija.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-1982
22. juna 2007. godine
Trnovo

Predsjedavajući
Općinskog vijeća Trnovo
Selim Hamzić, s. r.

Na osnovu člana 56. Zakona o prostornom uređenju ("Službene novine Kantona Sarajevo", broj 7/05), člana 13. Zakona o principima lokalne samouprave Federacije Bosne i Hercegovine ("Službene novine Federacije BiH", broj 49/06), člana 20. i 87. Statuta Općine Trnovo ("Službene novine Kantona Sarajevo", broj 25/05), Općinsko vijeće Trnovo, na 27. sjednici održanoj 19. juna 2007. godine, donijelo je

ODLUKU

O PROVOĐENJU PLANA PARCELACIJE "TUŠILA"

Uvod

Član 1.

Ovom Odlukom utvrđuju se uvjeti korišćenja, izgradnje, uređenja i zaštite prostora i način provođenja Plana parcelacije "Tušila" (u daljnjem tekstu: Plan parcelacije), a naročito granice prostorne cjeline, parcelacija i urbanističko-tehnički uvjeti za izgradnju građevina.

Granica prostorne cjeline

Član 2.

Granice obuhvata su utvrđene i detaljno opisane Odlukom o pristupanju izradi Plana parcelacije "TUŠILA" i kreću se sa tromede parcela k.č. 4222, 4127 i 4726 (put) i ide u pravcu sjeverozapada međom između parcela k.č. 4222, 4115, 4116, 4117, 4119/3, 4120/1, 4120/2, 4122 i 4126 sa lijeve strane i k.č. 4127 sa desne strane (obuhvata je) i dolazi do tromede parcela k.č. 4127, 4126 i 4125, ide u pravcu sjevera sijekajući u pravoj liniji parcelu k.č. 4127 i dolazi do tromede parcela k.č. 4127, 4131 i 4128, lomi se idući u pravcu istoka južnom stranom parcele k.č. 4128 koju ne obuhvata i izlazi na put k.č. 4726 kojim produžava na sjeveroistok (obuhvata ga) te dolazi do tromede parcele k.č. 4726 (put) 4789 (Tušilačka rijeka) i 4217, lomi se idući na jugoistok uzvodno Tušilačkom rijekom k.č. 4789 koju obuhvata, nastavlja u pravcu juga idući zapadnim međama parcela k.č. 4218, 4220/1 i 4220/2 koje ne obuhvata i ponovo izlazi na Tušilačku rijeku kojom uzvodno produžava na jugozapad (obuhvata je) i dolazi do tromede parcela k.č. 4217, 4789 i 4217, produžava na jugozapad sijekajući u pravoj liniji put k.č. 4726 i dolazi do tromede odnosno mjesta odakle je opis prostornog obuhvata i počeo.

Opisane granice obuhvataju površinu od 10,4 ha.

Parcelacija

Član 3.

Ovim Planom parcelaciju određuju se građevinske parcele koje imaju broj, oblik i površinu.

Član 4.

Plan parcelacije je izrađena na ažurnim geodetsko-katastarskim planovima ovjerenim od strane općinske službe za upravo nadležne za geodetske poslove i katastar.

Urbanističko-tehnički uvjeti za građenje građevina

Član 5.

Građevinsko zemljište vanurbanog područja Tušila, prema Prostornom planu Kantona Sarajevo ("Službene novine Kantona Sarajevo", broj 26/06), definisano je kao područje za razvoj turizma (seoski eko turizam).

Član 6.

U okviru obuhvata ovog Plana parcelacije utvrđen je režim građenja trećeg (III) stepena, odnosno urbanistička saglasnost za građenje građevina izdaje se na osnovu Prostornog plana Kantona Sarajevo, ovog Plana parcelacije, uvjeta utvrđenih u Odluci o provođenju Prostornog plana i uvjeta utvrđenih u ovoj Odluci.

Član 7.

Urbanističko-tehnički uvjeti za izgradnju građevina utvrđeni su u čl. 22. do 35. Odluke o provođenju Prostornog plana Kantona Sarajevo.

Član 8.

Ocjenu o tome da li se građevina uklapa u prirodnu okolinu, odnosno ocjenu ambijentalne usklađenosti građevine sa okolinom daje kantonalni Zavod za zaštitu kulturno-historijskog i prirodnog naslijeđa Sarajevo.

Mjere zaštite lica sa smanjenim tjelesnim sposobnostima.

Član 9.

U postupku donošenja rješenja o davanju urbanističke saglasnosti i odobrenja za građenje primijeniti uvjete iz Uredbe o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 10.

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-02-1983
22. juna 2007. godine
Trnovo

Predsjedavajući
Općinskog vijeća Trnovo
Selim Hamzić, s. r.

Na osnovu člana 1.10. stav 1. tačka 1. Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 77/05 i 24/06), i člana 20. Statuta Općine Trnovo ("Službene novine Kantona Sarajevo", broj 25/05), člana 106. Poslovnika o radu Općinskog vijeća Trnovo ("Službene novine Kantona Sarajevo", broj 25/05), Općinsko vijeće Trnovo, na 27. sjednici održanoj 19. juna 2007. godine, donijelo je

ODLUKU

O PRESTANKU MANDATA VIJEĆNIKA

Član 1.

EKREMU DURMI, prestaje mandat vijećnika u Općinskom vijeću Trnovo, zbog podnošenja ostavke.

Član 2.

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 01-02-1950/07
21. juna 2007. godine
Trnovo

Predsjedavajući
Općinskog vijeća Trnovo
Selim Hamzić, s. r.

Na osnovu člana 1.10. stav 1. tačka 2. Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 77/05 i 24/06), i člana 20. Statuta Općine Trnovo ("Službene novine Kantona Sarajevo", broj 25/05), člana 106. Poslovnika o radu Općinskog vijeća Trnovo ("Službene novine Kantona Sarajevo", broj 25/05), Općinsko vijeće Trnovo, na 27. sjednici održanoj 19. juna 2007. godine, donijelo je

ODLUKU

O PRESTANKU MANDATA VIJEĆNIKA

Član 1.

ZIJADU MRKOVIĆU, prestaje mandat vijećnika u Općinskom vijeću Trnovo, zbog smrti.

Član 2.

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 01-02-1949/07
21. juna 2007. godine
Trnovo

Predsjedavajući
Općinskog vijeća Trnovo
Selim Hamzić, s. r.

Na osnovu člana 20. Statuta Općine Trnovo ("Službene novine Kantona Sarajevo", broj 25/05), člana 31. i 146. Poslovnika o radu Općinskog vijeća Trnovo ("Službene novine Kantona Sarajevo", broj 25/05), Općinsko vijeće Trnovo, na 27. sjednici održanoj 19. juna 2007. godine, donijelo je

ODLUKU

O RAZRJEŠENJU DUŽNOSTI ZAMJENIKA PREDSJEDAVAJUĆEG OPĆINSKOG VIJEĆA TRNOVO

Član 1.

EKREMU DURMO, razrješava se dužnosti zamjenika predsjedavajućeg Općinskog vijeća Trnovo, zbog podnošenja ostavke.